

Republika sa Pilipinas
Probinsya sa Dabaw del Norte
SIYUDAD SA TAGUM

ATUBANGAN SA 'SANGGUNIANG PANLUNGSOD'

KINUTLO GIKAN SA MGA HILISGUTAN SA IKA-134th NAANDANG PANAGTIGUM SA 'SANGGUNIANG PANLUNGSOD' SA DAKBAYAN SA TAGUM, PROBINSYA SA DABAW DEL NORTE NGA GIPAHITABO SA SP LAWAK-TIGUMANAN NIADTONG PEBRERO 02, 2004.

NANAMBONG:

Hon. GERARDO R. RACHO JR.	Bise-Mayor sa Siyudad (Pangulo Opisyal)
Hon. ALLAN L. RELLON	Miyembro
Hon. OSCAR M. BERMUDEZ	Miyembro
Hon. VICENTE C. ELIOT SR.	Miyembro
Hon. AGRIPINO G. COQUILLA JR	Miyembro
Hon. GETERITO T. GEMENTIZA	Miyembro
Hon. RAYMOND JOEY D. MILLAN	Miyembro
Hon. BERTHELYN L. SAN JOSE	Miyembro
Hon. ANTONIO B. VICADA	Miyembro

ADUNA'Y OPISYAL NGA LAKAW

Hon. TRISTAN ROYCE R. AALA	Miyembro
----------------------------	----------

ADUNA'Y SAKIT:

Hon. ROBERT L. SO	Miyembro
Hon. BRYAN KIM SAMUEL L. ANGOY	Miyembro (Tinugyanan sa SKF)

WALA MITAMBONG

Hon. ERNESTO Y. OBERO	Miyembro (Tinugyanan sa ABC)
-----------------------	------------------------------

ORDINANSA SA SIYUDAD NUM. 34, S-2002

ANG ORDINANSA NGA GITUGYAN ANG PAGPATAMBAL/ PAGPALUBONG / PANALAPING HINABANG SA TANAN NGA BARANGAY OPISYAL UG KAWANI SA SIYUDAD SA TAGUM UG GITAGANA'NG PUNDO PARA SA KATUYUAN.

KINI HIMOONG BALAOD pinaagi sa 'Sangguniang Panlungsod' sa Dakbayan sa Tagum nga nagtigum na nagkanayon:

SEKSYON 1. PALISIYA. Gipalaraw sa siyudad ang pagpanigurado sa pagtugyan sa pampublikong pag-alagad ug kahimanan ngadto sa mga magtulukod sa barangay nga ipatuman ug ipamasangputon na pasalig pinaagi sa makatungdanon, takus, mahinungud, ug mahinungdanonon nga opisyal / kawani sa barangay.

SEKSYON 2. DALANGATAN. Kini nga ordinansa nagtinguha sa pagtabang sa mga opisyal sa barangay, ginsakupan, ug mga magsasalmot nga mamomoo sa panahon sa ilang kapit'os nga kahimtang.

SEKSYON 3. KATIN-AWAN SA PULONG:

1. **BARANGAY** – ang lintunganay sa politikanhong banay ug ang nailhang pinakagamay nga lokal nga pamunoang panggamhanan kinsa mao'y hingtungdan isip tigpasiugda sa mga laraw ug tigpatumang pundok sa panggamhanang polisiya, plano ug programa, proyekto, ug kalihukan sa katilingban ug usa ka natad kun diin ang kinatibuk-ang panglantaw sa mga tawo nga lagmit mapadayag, mapatin'aw, o matagad kon diin ang panagbingkil mahusay sa madaiton'g pamaagi, (seksyon 384, RA 7160).

(Kinutlo gikan sa mga hilisgutan sa ika-64 nga naandang panagtigum / Septyembre 23, 2002) **ORDINANSANG SA SIYUDAD NUM. 34, s-2002**, cont'd:

2. **OPISYALES SA BARANGAY** – Naglangkub kini sa mga piniling namunoan ug tinudloang opisyal sa barangay sama sa Punong Barangay (Barangay Captain), Miyembro sa Sangguniang Barangay (Barangay Kagawads), tigpangulo sa Barangay Sangguniang Kabatan'onan, Barangay Tesorero, ug Sekretarya sa Barangay.
3. **MGA KAWANI SA BARANGAY** – Naglangkub kini sa mga sangkapan sa barangay ug magsasalmot nga mamomoo sama sa mga miyembro sa Lupong Tagapamayapa, Day Care Workers, City Cultural Communities Education / Literacy Facilitators, Barangay Nutrition Scholars (BNS), Barangay Health Workers (BHW), miyembro sa Barangay Police Laban sa Krimen (BPLK), Civilian Volunteers Organization (CVO), ug miyembro sa Tagum City Peacekeepers Organization (TCPO). Lakip usab niini ang mga Barangay SK Kagawads.
4. **BALATIAN** – Pagasabton kini isip dili maayong kahimtang sa panglawas tungod sa usa ka sakit / sintoma nga gipamatuoran sa doktor.
5. **PAGPAOSPITAL** – Pagasabton kini isip pagdala ug pagpuyo sa tambanan sa usa ka tao'ng masakiton.
6. **KAMATAYON**– Kalabutan kini sa pagkawala sa kinabuhi.

SEKSYON 4. KATAKUS / KAANGAYAN

1. Pananglit sa pagkasakit ug sa pagpatambal, ang hingtungdan nga opisyal / kawani (pasyente) sa barangay makadawat ug libre nga tagana sa tambal nga gisulat sa reseta gikan sa Buhatan sa Panglawas sa Siyudad (City Health Office). Sa kakulian nga ang tagana sa tambal aduna'y kawad'on, ang hingtungdan nga masakiton tagaan ug panalaping tabang sibo sa kantidad sa tambal nga gimando, apan dili kini molampas sa P2,000.00.
2. Pananglit maospital tungod sa pagkasakit o pagkaaksidente, ang hingtungdan / kawani (pasyente) sa barangay makadawat ug panalaping tabang sibo sa kantidad sa tambal nga gimando sa doktor ug uban pang salagma'ng kantidad samtang naospital, kini nga kantidad kinahanglan dili mulapas sa P10,000.00.
3. Lakip ang pasyente sa panahon sa pagka-disgrasya sama sa sugamak sa sakyanan, paghasmag, o maskin unsa'ng gimando / gipamatuoran sa bisan kinsa'ng doktor sa panggamhanan o gisakang reklamo sa kapulisan.
4. Kun pananglit, ang pasyente nanginahanglan ug eksamen sa laboratoryo, CT Scan, MRI, Ultra Sound, X-ray, Prostesis, bakal pang-ortopediks, siya matagaan ug kantidad sibo sa kinahanglanon'g gastuhanan, pero dili mulampas sa P12,000.00.
5. Tabang sa Pagpalubong. Pananglit sa kamatayon, ang lihitimong tinabangan sa hingtungdan nga opisyal / mamomoo adunay katungod nga makadawat ug P15,000.00 nga hinabang sa pagpalubong gikan sa siyudad nga panggamhanan.

(Kinutlo gikan sa mga hilisgutan sa ika-64 nga naandang panagtigum / Septyembre 23, 2002) **ORDINANSA SA SIYUDAD NUM. 34, s-2002**, cont'd:

6. Matag usa niining hinabang nga gihinganlan sulod sa gihisgutan 1-5 sa ibabaw naay gitugot nga dako'ng kantidad nga pwedeng magamit sulod sa nagalakat nga tuig. Tiunay nga pagsulat ug pagdumala pagahimuon sa City Social Welfare and Development Office (CSWDO).

SEKSIYON 5. MGA KINAHANGLANON SA PAGKUHA UG PAGPATAMBAL / PAGPALUBONG / PANALAPING HINABANG.

1. Pananglit sa pagpatambal / panalapi'ng hinabang tungod sa pagkasakit o pagpaospital, ang orihinal nga kopya sa kamatuoran sa pagpatambal (medical certificate) o kamatuoran sa pagpadoktor (certificate of confinement); orihinal nga kopya sa pagmatuod gikan sa Direktor sa DILG sa siyudad nga nagapamatuod na ang masakiton usa ka opisyal / kawani sa barangay sa siyudad; ang orihinal nga kopya sa reseta sa tambal kinahanglang ipasa sa City Social Welfare Development Office (CSWDO) para sa pagpalakat sa kuhaonon.
2. Pananglit kon maaksidente, ang orihinal nga kopya sa kamatuoran sa pagpatambal (medical certificate) o kamatuoran sa pagpadoktor (certificate of confinement); orihinal nga kopya sa sumbong (blotter) sa kapulisan; orihinal nga kopya sa pamatuod gikan sa Direktor sa DILG sa siyudad nga nagapamatuod nga ang masakiton usa ka opisyal / kawani sa barangay sa siyudad nga gipamatuoran nga ang aksidente nahitabo panahon sa pagpanrabaho o may kalabutan sa iyang katungdanan; ug ang orihinal nga kopya sa reseta ipasa gayud sa CSWDO para sa pagpalakat sa kuhaonon.
3. Pananglit sa pagtabang sa pagpalubong, ang napamatuoran nga kopya sa sertipiko sa pagkamatay (death certificate) ug ang orihinal nga kopya sa pagmatuod gikan sa Direktor sa DILG sa siyudad nga nagapamatuod nga ang pasyente usa ka opisyal/kawani sa barangay sa siyudad ipasa ngadto sa CSWDO para sa pagpalakat sa kuhaonon.
4. Pananglit sa panalapi'ng hinabang para maapil ang gastohan pang-eksamen sa laboratoryo, CT Scan ug uban pa nga nahiapil sa Seksyon 4 (4) niining ordinansaha, ang orihinal nga kopya sa reseta ug orihinal nga kopya sa pagmatuod gikan sa Direktor sa DILG sa siyudad nga nagapamatuod nga ang pasyente usa ka opisyal / kawani sa barangay sa siyudad kay ipasa gayud sa CSWDO para sa paglakat sa kuhaonon.

SEKSIYON 6. TINUBDAN SA PUNDO. Ang badyet nga dili mominos sa P1,000,000.00 gikan sa kinatibuk'ang pundo igahin gayud matag-tuig pinaagi sa Opisina sa Mayor sa Siyudad para sa pagpatuman niining programaha. Ang mao'ng badyet puwede madungagan o pun'an kun kinahanglanon, lagmit kini sa pagtagana sa ordinansya.

SEKSIYON 7. MABULAGON'G BAHIN. Kun o galling ang bisan unsa'ng paigo niining ordinansaha giasoy nga ginadilí sa batakang balaod o sa bisan unsa'ng korte nga aráng ug ginsakupan, kadto'ng bahin nga wala mapadayag magapadayon sa hingpit nga pagpatuman ug pagpahitabo.

(Kinutlo gikan sa mga hilisgutan sa ika-64 nga naandang panagtigum /
Septyembre 23, 2002) **ORDINANSA SA SIYUDAD NUM. 34, s-2002**, cont'd:

SEKSIYON 8. KAWAGTANG BAHIN. Nga ang Ordinansya sa Munisipyo
Num. 05, han'ay sa 1991, nga gitul'id pinaagi sa Ordinansa sa Munisipyo Num.
19, han'ay sa 1993 kay busa mawagtang o mausab.

SEKSIYON 9. PAGPATUMANG BAHIN. Kini'ng Ordinansyaha
mapatuman dayon diha sa pag-uyon.

GIPATUMAN UG GITUGOTAN.

IPABALAOD UG GIPASA karon'g ika-23 nga adlaw sa Septyembre, 2002.

BUSA AKO NAGAPAMATUOD sa tukma nga nag-una.

(Sgd) **DIONITA N. DELA CRUZ**
Records Officer 11
(Akting-Sekretarya sa Sanggunian)

SAKSI:

(Sgd) **GERARDO R. RACHO, JR.**
Bise-Mayor sa Siyudad
(Pangulo Opisyal)

NAGTUGOT:

(Sgd) **GELACIO P. GEMENTIZA**
Mayor sa Siyudad

NAGBADBAD:

(Sgd) **CROMWELL S. BONGHANOY, MA**

NAGSUSI:

(Sgd) **MR. REY A. BUHION**

NAGSAKSI:

(Sgd) **ALLAN L. RELLON, MPA**
Bise Mayor sa Siyudad